



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**


Conlin, Johann Rudolph

Augustæ Vindelicorum, Anno MDCCXXVI

VD18 10209328

No. XXIV. Augustinus Cvsanvs Mediolanensis.

[urn:nbn:de:hbz:466:1-72633](#)



No. XXIV.

AUGUSTINUS CVSANVS MEDIO-LANENSIS.

Augustinus titul. S. Mariae de Populo Cardinalis Cusanus Mediolanensis, Episcopus Papiensis, natus est in nobilissimâ Mediolanensium urbe (ubi Cusano-
rum nomen inclytum vigeret) Anno MDCLV. XX. Octobris. Eum Urbs Mediola-
nensis, Lutetia, Venetia, & Caput Orbis Roma sibi vindicant, cùm ubivis suæ se-
dem fixerit sapientia. Primò omnium in Urbe Mediolanensi altioribus scientiis
imbutus, in Oratoriâ certè adm'randos progressus fecit; & quām ponderosus in
verbis, tam in persuadendo efficax, quaquaversus perorandum, existebat. No-
verit se in ea urbe progenitum, ubi Divus Augustinus Magnum illud Ecclesiæ lu-
men, Rheticam publicè docuit, quem imitandum sibi proposuit, cuius videli-
cet nomen, spe oppidò Magnâ, gereret. Ante mentis oculos habuerit Borromæ-
os, Odeschalcos, Scottos, ut iis Junctus quartâ Purpurâ Patriam Mediolanum ea-
dem ætate condecoraret. Sit Mediolanum incolarum numerositate clarissimum,
ita ut non infra ducena & quinquaginta incolarum millia intra amplissimorum mo-
nium ambitum plerumque contineantur; Sed tot centena millia, quibus Spir-
itum Mediolanum dedit, Sacrorum horum Antistitum curâ, coelis vivunt. Vo-
cetur Mediolanum armorum bellicorum officina, totâ Europâ longè pulcherrima;
Sed Galeam fidei & Clypeum salutis Sacri hi Heroes Christianis bellatoribus distribuunt.
Surgat horrendis molibus castellum firmissimum, cui simile per Europam vix in-
venias; Sed Arx longè fortissima sunt sacri hi Principes, qui suis assylum & inco-
lumentem civibus præstant. Numerentur eâ in urbe ducenæ & viginti sacræ æ-
des, quas inter sex & nonaginta insignes paroecias reperies; Tot templis sacer
Mysta ne desit, Sacrorum suorum Antistitum sedulissima cura efficit; Basilicam
Mediolanensem totus obstupescat Orbis, cui sumptuosissimæ Ædi exædificandæ,
Galeazzo Gualdone teste, ferme trecentenî anni ab Anno 1386. ad annum 1666.
insumebantur, octuaginta millionibus, & sexies centenis supra triginta sex Scuto-
rum Romanorum millibus expensis; sed Magnificentissimis ædibus majus pretium
supperaddit Sacrorum horum Antistitum Pietatis Aurum. Sit Mediolanum Em-
porium totius Italiæ longè celebratissimum, tantâ mercatorum, opificum & propala-
rum copiâ refertum, ut dudum in proverbium abierit, *Mediolani ruinis Italiam crescere posse universam*; Sed cùm Christum, Sacratis his Mystis in eam curam unicè incumben-
tibus, lucrifacit, thesauro utique ditatur, omnibus divitiis longè anteponendo.
Æneum Serpentem, in signum salutis à Moyse erectum, Mediolanum hodie dum
exhibeat; Eadem Urbs suæ Procuratores salutis vidit Ambrosios, Carolos Borro-
mæos, quatuor summos Pontifices, ex eâ procreatōs, triginta quinque Episcopos
Sanctorum fastis illatos; & hodie dum videt Cusanos, Odeschalcos, Borromæos,

Sco-

Q

Scotos, pro Patriæ salute invigilantes. Verùm ad Augustinum Cusanum redeundo, satis constat, eum Romam delatum, cùm in Capellâ Pontificia coram Sanctissimo Patre, & Sacro Purpuratorum Collegio publicè Anno 1704. 3. Decembris peroraret, tam insignem plausum retulisse ab omnibus, in facundum ejus os quasi defixis, quantum ante eum pauci alii. Thematis propositi Ratio in eo versabatur, ut doceret, non in Principibus & filiis hominum spem reponendam, utpote quorum virtus fragilis, favor incertus, status mutabilis esset; sed ad Deum unicè recurrendum, qui cunctis fidelis, dare possit idem, quod velit. Ergo tam insigni Vir facundiâ, Apostolicus Nuntius ad Venetos Anno 1706. amandabatur: licet suavissimis moribus, & dignissimis Viro Principe dotibus, se Venetis brevè commendâsset, ita ut ejus Nuntiaturam exoptarent quām maximè diuturnam; attamen graviores Sacrae Reipublicæ necessitates eum in Galliam ocyus avocabant, ut ad pacem inter Maximos Europæ Principes restituendam, omnes nervos intenderet; sed Martis truculenta feritas, quæ tunc vel maximè funera per Hispaniam, Italiam, & Belgium miscebat, pacis consiliis omnino obstitit. Enimvero Maximus hic Nuntius eo Anno Galliam nanciscebatur, inter suorum funera ut plurimū gementem. Nunquam tot, tamque cruentas undas, Iberus, Padus, & Scaldis volvere visi. In Hispania conjunctus Gallorum & Hispanorum exercitus, octo suorum millibus amissis, obsidionem Urbis Barcinonensis solvere cogebatur, viatore Germano usque ad Mantua Carpetanorum mœnia progresso. In Belgio Marleburgius Anglus ad Judoignam tam insignem victoriam à Villaregio extorserat, ut cæforum Gallorum sex millia, vulneratorum totidem, captorum V. millia numerarentur: totâ Brabantia, & magna parte Flandriae exeundum esset. Ad Augustam Taurinoruni Dux Sabaudia Víctor Amadæus, & Germani fulmen Jovis Eugenius lectissimum Gallorum exercitum, triginta millibus totâ illa expeditione amissis, penitus debellaverant. Quando ob eam cladem acceptam Gallia illud Ovid. fast. I. 4. v. 492. verè occinere poterat: neC Gener hoC nobIs More paranDVs era. Verùm instituti mei ratio neutiquam est, gravissimum illud bellum longius prosequi; nec tamen præter rem aliquid dixisse videbor, cùm hinc duo Nuntio Pontificio Cusano evenire visa. Primum statim postea in pacis consilia magis, magis, que incubuit, & omnem, quā valebat, artem pro eâ procurandâ adhibuit, serio secum reputans, nunquam spem pacis majorem affulgere, quām cùm serio bellum geritur. Deinde id sibi non parum officere subverebatur, ne quantacunque integritate in hanc provinciam ingredeleret, satis fidei non inveniret; nam victoria Taurinensis Mediolanensem unâ Ducatum ad Germanos attrahebat, fato quodam Mediolani; quippe hanc urbem bis & quadragies obseßam, & tunc vigesimâ quartâ vice occupatam constat; fructu haud contemnendo in possessores redundant; nam viginti quatuor auri talenta quot annis Principis ærario inferuntur, præter gratuita donaria, quæ plerumque quadringenta Imperialium millia excedunt. Inde, inquam, Pontificio Nuntio metus succrevit, ne in aulâ Gallica minor fides homini Mediolanensi haberetur. Et habita est quām maxima; Nam integritate viri probè perspectâ, nec in notâ sibi virtute hærens Galliæ Rex, eum Nuntium Pontificium perpetuò toleravit, nullo regiæ benevolentia in eum genere prætermisso, ut satis omnibus appareret, quod intemerati Viri eximia virtus in causâ esset, ut ubi alii diffiderent, solus ipse Sacro Pontificii Nuntii Muneri omnia tribueret. Hinc huic Nuntio pene ad pacem usque Ultrajectinam subsistere in Galliis datum; non parùm solatii nacto, quod non ante suâ de provinciâ decederet, quām Orbem pacatum videret; neque etiam tunc quidem discessisset, nisi Sacra Purpura induenda eum Romam evocâasset. Eò honorificenter à Ludovico XIV. dimittebatur, qui nullas se unquam probi ministri partes in Augustino Cusa-

no desiderâsse, datis ad Clementem XI. literis contestabatur. Cardinalitia eidem dignitas obtigerat Anno 1712. 18. Maij, septendecim tunc equidem unà sacri Senatus Collegis creatis; ex variis etiam Nationibus assûmabantur; nam Clementis XI. Sacrosanctum Oraculum tunc ita sonabat: *Intendimus ex omnibus Christianitatis Nationibus Cardinales, qui ad septuagenarium vestrum numerum compendium, in presens defunt, assûmere, ut de iis, qui Personas Sanctorum Apostolorum representare debent, verè dici valeat, in omnem terram existit sonus eorum. Paulo post adjunxerat. Curavisus feliciter viuos, sive Ecclesiarum sibi commissarum administratione, sive illustribus Legationibus, sive aliis Apostolica Sedis Ministeriis diu probatos. Aliquo tempore ante Eminentissimus Purpuratus Papiae Episcopus denominatus fuerat.* Ea urbs longè vetustissima Ticino flumini adjacet, unde & Ticinum olim nuncupabatur. Habet Theretrophium muro cinctum, in quo Franciscus I. Galliarum rex vinctus in Cæsareanorum manus Anno 1525. devenerat. In eadem urbe Ditericum, ultimum Longobardorum Regem, à Carolo Magno captum constat. Sed feliciorem equidem Pastorali probissimi hujus Antistitis curâ Paviam modò crediderim, quam visa est esse, cum inter innumeratas strages hostium ipsos etiam in vinculis Reges aspexit; quantum quidem plus est, in Arce animæ triumphum occinere, quam terrestris monumenta victoriæ in moenium ruderibus defigere. Anno 1714 16. Aprilis Eminentissimus Cusanus Bononiæ de Latere Legatus declarabatur. Non omiserat Maximus Pontifex meritissimi hujus viri præconia coram amplissimo Senatu in Consistorio Secreto tunc quidem Sacerimo Ore proloqui. Verba sic habent: *Tamdiu lapsum est tempus, ad quod Legationem Bononiensem demandavimus Dilecto Filio Nostro Laurentio S. R. E. Cardinali Casono, qui eam pari cum justitia ac prudentia laude, immo etiam, ut accepimus, non sine aliquo valetudinis suæ incommmodo sustinuit. Eiden propriea Legationi præficere modò intendimus Dilectum pariter Filium nostrum Augustinum, ejusdem S. R. E. Cardinalis Cusanum, de cuius fide, probataque in precipuis Apostolica sedis munibibus gerendis integritate plurimum in Domino confidimus.* Ex paucis hisce collige, qualia, quantaque pro Ecclesiâ Dei Vir Maximus præstiterit: summopere ardua negotia fuisse, quibus ille supportandis humeros plusquam Athlantæos supposuerit: Et quidem ardua quævis negotia ita exantata fuisse, ut summae Integritatis laudem ubivis retulerit: adeoque nihil superfuisse, quod in illo amplius requireretur. Paulo postea sub Chirurgorum manu graviter laborabat; verum cœli provida cura ordinabat, ut inveniretur, qui felicissima sectione pretiosum Virum, pene deploratum Orthodoxo Orbi restitueret. Anno 1715. decedentibus S. R. E. Cardinalibus Bullionio & Estræo, ipse cum Sacri Collegii Purpurato Senatore Ptolomæo, veluti hiatum suppleturus uterque, Sacri Officii Congregationibus interesse cœpit. Anno 1720. inimica prædonum vis tam nobili animæ insidiabatur. Jam propè Papiam attigerat, cum illi ex insidiis improviso erumpunt, & uno velut impetu scelos exonerant. Provida cœli cura intervenerat, ut ne destinatam metam attingerent. Inde strictis gladiis à fido Principis famulitio improborum conatibus obviam itum. Pugnatum est eo animo, qualis inter iniquos aggressores & se suaque strenue defendantes esse solet; videlicet paucis utramque cæsis aut vulneratis, in foedam illi fugam avertebantur. Ex toto illo tempore vigil cœli oculus hunc Principem semper servaverat, quo servato, es-
set, per quem multi alii, quos mitissimum hoc sydus fovet,
unà servarentur.

No.